


Lucija Hajnec a Hanka Handriekc ... stej Serbowce, kotrejž pochodujetej na čole skupiny sportowcow z Warnoćic-Varnsdorfa.

W čisle 5. lónšich Sokołskich Listow prašachmy so za mjenami wobdźělnikow zwobraznjeneje demonstracije sportowcow. Sotra Lucija Pawlikowa, rodžena Hajnec, z Radworja redaktorej Sokołskich Listow zdžěli, zo je wona holca, kotruž widžimy na prawej stronje pódla nošerja transparenta a zo nasto wobraz prawdžepodobnje při pochodowanju 1. meje po Warnoćicach za čas přebywanja serbskich šulerjow na tamnym gymnaziju po 1945.



SOKOŁSKE LISTY



Wroootaaa... !

Za dobru chwilu

Što, wy njeznajeće Piwarcec Pawoła,
wulkeho přiwisnika mustwa Sokola?
Někotři jeho "super-fana" mjenuja.
Na kóždu domjacu hru wón přichadža,
ale tež na wonkowne zetkanja so podawa,
wótře swoich hrajerjow pozbudža,
často wšak huntori so na sudnika
a jemu kopicu wudmow nadawa.
Lědma pak je so kopańca skónčila,
to móžeće widžeć našeho Pawoła,
zo chwata do bliskeho hosćenca.
Tam wostanje hač do pózdnjeho wječora
pijo mnóstwa piwa a palenca.
Při tym při porážce Sokola
mudruje, kak měta hra być dobyta.
Skurjeny Pawoł skónčnje wot tutkanja
do wsy domoj so došmjata.
Žona jeho "rjenje" powita.

MiK



Wudawa "Serbski Sokol z.t."

SOKOŁSKE LISTY, wokolnik Serbskeho Sokola z.t.

Adresa: Serbski Sokol z.t., Serbski dom, Póstowe naměsto 2, 02625 Bautzen/Budyšin

Telefon č. (03591) 550308, fax č. (03591) 42811

Zamoħwity redaktor: Mikławš Krawc

DO JUBILEJNEHO LĚTA

Zapiski na hłownej zhromadźiznje Serbskeho Sokoła 28.12.1994 w Hórkach

28. decembra 1994 přewjedže Serbski Sokol swoju hłownu zhromadźiznu w Sportowym domje w Hórkach. Bě to dokładnje lěto po znowazałożenju towarstwa na samsnym městnje. W slědowacym podamy wuržki z rozprawy předsydstwa Sokoła wo džělawosći w zaštych 12 měsacach kaž tež wažne mysle z diskusije. Přidamy na kóncu wujimk z finančneje rozprawy k prašenju přinoškow.

Z rozprawy předsydstwa, přednjeseneje wot starostki Michaela Mošoweje

Cyłe lěto je so minyło po tym, zo smy so tu zešli, Serbski Sokol zažohli a duch Serbskeho Sokoła znowa wozrodźili.

Je na městnje, zo my jako předsydstwo - wolene předsydstwo - rozprawjamy, kak smy džěłali w tutym lěće, što smy wšitko zdokonyli a što hišće nic.



Starostka Serbskeho Sokoła Michaela Mošowa (tu na džělowym městnje w Serbskim domje w Budyšinje) přednjese rozprawu předsydstwa

A je na Wami, naše džěło kritisce hódnoćić a nam směr dać za dalše džěło, za džěło w lěće 1995. Tu w Hórkach je so před lětom 18 člonow-jednotliwcow do Serbskeho Sokoła zapisało. Džensa liči naše towarstwo 225 sobustawow. Je to šwarna ličba sobustawow, ale bohužel njeje to hišće to, štož smy sej jako předsydstwo předewzali. Přistupili su - a nad tym smy so jara zwjeselili - koparjo sportoweho zjednoćenstwa Chrósćicy z 71 člonami; sportowe zjednoćenstwo Njebjelčicy z 54 člonami; volleyballisća "Słowjan" Budyšin z 8 člonami; volleyballisća Serbskeho gymnazija Budyšin - to je jedne hólče a jedne holče mustwo - z 20 člonami a dalši jednotliwcy. Ale - tu je poprawom tón najwjetši špak, kotryž smy my widželi - bohužel njeje so nam poradziło, najwjetše serbske zjednoćenstwo, Sokol Ralbicy/Hórki, k přistupej powabić. Smy stajnje kontakty měli z našim čestnym starostu, knjezom Fremclom, smy so tež pisomnje na předsydstwo Sokoła Ralbicy/Hórki wobročili, ale bohužel bjez rezultata, njejsmy ani wot předsydstwa wotmołwu dóstali, ani pisomnje ani ertnje. Budžemy dale na tym džělać, zo móžemy Sokol Ralbicy/Hórki powabić, našemu třěšnemu zwjazkej přistupić. Po wólbje před lětom tu w Hórkach bě přeni nadawk, zo jako předsydstwo na přenim naćisku našich wustawkow dale džělamy a zo móžemy je notarej předpožić k zapisanju. To je so hnydom w přenich dnjach januara a februara stało, a 3. februara smy naše wustawki, kotrež su tež wozjewjene w 1. čisle Sokołskich Listow, notarej w Budyšinje předpožili. 5. julija 1994 smy pisomnje dóstali zapisanje našeho towarstwa do sudniskeho registra Budyšina.

Dypkowe hry Sokoła Ralbicy/Hórki w 2. połseriji

datum	zetkanje	rezultat	wuslědk z 1. połserije
21.01.95	Neustadt - Ralbicy-Hórki	3 : 0	0 : 3
29.01.95	Ralbicy/Hórki - Großenhain	:	1 : 3
04.02.95	Weixdorf - Ralbicy/Hórki	:	1 : 0
18.02.95	Natwar Riesa - Ralbicy/Hórki	:	6 : 0
26.02.95	Ralbicy/Hórki - Freital	:	1 : 1
04.03.95	Zhorjelc - Ralbicy/Hórki	:	1 : 3
19.03.95	Ralbicy/Hórki - Kamjenc	:	0 : 1
26.03.95	Kumwald - Ralbicy/Hórki	:	2 : 1
01.04.95	Ralbicy/Hórki - Budyšin	:	2 : 5
23.04.95	Niska - Ralbicy/Hórki	:	0 : 0
30.04.95	Ralbicy/Hórki - Neugersdorf	:	0 : 4
07.05.95	Drježdžany 06 - Ralbicy/Hórki	:	2 : 1
20.05.95	Ralbicy/Hórki - Riesa-Röderau	:	1 : 1

Přejemy koparjam Ralbicy/Hórkow w zestupnym boju wjele wuspěcha! Snadž wo dalšej přislušnosći k wobwodnej lize znowa poslednja hra rozsudži - kaž loni rěka přećiwnik w Ralbicach mustwo Riesa-Röderau. Před lětom rozsudžichu serbscy koparjo hru z 3 : 1 za sebje.



Dypkowe hry SJ Njebjelčicy w 2. połseriji

datum	zetkanje	rezultat	wuslědk z 1. połserije
22.01.95	Njebjelčicy - Jednota Wojerecy	1 : 0	2 : 2
28.01.95	Kulow - Njebjelčicy	:	1 : 3
04.02.95	Wojerecy 1919 - Njebjelčicy	:	2 : 3
19.02.95	Njebjelčicy - Łuty	:	1 : 1
25.02.95	Lubuš - Njebjelčicy	:	2 : 1
05.03.95	Njebjelčicy - Kromlow	:	2 : 1
18.03.95	FSV Wojerecy II - Njebjelčicy	:	2 : 0
26.03.95	Njebjelčicy - Wulka Dubrawa	:	0 : 0
01.04.95	Lok Wojerecy - Njebjelčicy	:	3 : 0
23.04.95	Njebjelčicy - Běly Chołmc	:	1 : 1
29.04.95	Rakecy - Njebjelčicy	:	0 : 2
07.05.95	Njebjelčicy - Hórniky	:	0 : 2
20.05.95	Mužakow - Njebjelčicy	:	0 : 2

Wupisanje

za 13. sokołski volleyballowy turněr wo pokal Domowiny

- Termin turněra:** Sobota, 4. měrca 1995
wot 8.00 hač do 17.00 hodž.
- Městno:** Sportowa hala na Třělnišću w Budyšinje
- Wuhotowar turněra:** Serbski Sokol z.t.
- Zamołwity za wupisanje:** Achim Kowar
- Zaměr turněra:** Pod sokołskim hesłom „Sportej a narodej – zdar!“ chcemy so zetkać k lóštnemu sportowanju a wjesotej bjesadže. Zdodom chemy styki mjez serbskimi volleyballistami rozšěrić a skrućić a k popularizowanju Serbskeho Sokola přinošować.
- Přeprašene mustwa:** Na turněr přeprašujemy mustwa šulow, institucijow, wsow, měšćanskich a wjesnych džělow, towarstwow a dalše móžne kombinacije, wšojedne, hač su so na dotalnych turněrach wobdžělili abo nic. Kóždy serbski volleyballist, kotryž so do jednoho mustwa zarjaduje, je witany!
- Woprawnjeni hrajerjo:** Turněr wo pokal Domowiny je ludosportowe zarjadowanje. Tohodla smědža so na nim jenož hrajerjo ludosportoweje a wokrjesneje runiny wobdžělić. Hrajerjo wobwodneje klasy kaž tež krajneje runiny woprawnjeni njejsu. Pola žonow smědža tež hrajerki wobwodneje runiny nastupić. Hrać smědža wšitcy, kotřiž su znajmjeńša 16 lět.
- Zestawa mustwow:** Wobkedźbować ma so, zo
- přisłuša kóždemu mustwu znajmjeńša pjeć hrajerjow,
 - su měšane mustwa mužow a žonow móžne,
 - smě jednotliwc w běhu turněra za jeničke mustwo hrać, to rěka zo změny w běhu turněra dowolene njejsu.
- Modus wubědźowanja**
Naprašowanje na dotal so wobdžělace mustwa a diskusija na lětnej hłownej zhromadźiznje w Hórkach dnja 28.12.1994 stej wunjestoj tole:
1. Hraje so **wo jedyn pokal**. Wuhraje so do poslednjeho městna. Žane mustwo so njesadži, ale kapitanojo wšěch přizjewjenych mustwow wulosuja zaměstnjenje w staflach dnja 4. měrca rano po zahajenju turněra.
 2. Konkretny modus hrow so připósćeje znajmjeńša tydžeń do turněra wšěm přizjewjenym mustwam a je zwjazowacy.
 3. **Termin přizjewjenja je 30. januar 1995 (na podatu adresu Serbskeho Sokola z.t.).**
To płaci za wšě mustwa.
Štóz termin zapase, njesmě nastupić!
 4. Po turněru je zhromadne mytowanje a zabawa. Městnosć zdžěli so přizjewjenym mustwam zhromadnje z nadrobnym modusom.

Sportej a narodej zdar!

Wutrobnje was strowi
M. Mošowa
starostka

Z tym je so poprawom zakład za džěło našeho towarstwa położył. Naše předsydstwo je so znajmjeńša jónu za měsac - hdyž nic w tajkich jara wažnych periodach a časach dwójce wob měsac - zešto a je wuradźowało, džělowe nadawki mjez sobu rozdawało a džělowe linije našeho towarstwa schwaliło. Při tym je so nam zmóžniło, zo su tři čtonojo našeho předsydstwa - su to Pětr Šoita, Achim Kowar a Mikławš Krawc - do "akcije 55" zapřijeći byli a zo je so naše čestnohamtske džěło z małym obulusom zadaniło.

Prěni wjeršk w džěle našeho towarstwa bě nimo džěla w předsydstwje, nimo zapisanja a wudžětanja wustawkow 12. sokołski volleyballowy turněr wo pokal Domowiny dnja 26. februara w Ralbicach a Worklecach. Wjeršk tutoho turněra běše za nas jako organizatorow - a cyle wěsće tež za organizatorow na městnje -, zo je so 17 mustwow přizjewiło, zo bychu wo pokal wojowali. Turněr je so wuhotował finacielnje z pomocu Domowiny. Za to chcemy so tež džensa tu najwutrobnjšo podžakować, a nadžijamy so, zo móžemy přichodny a wšě dalše turněry z pomocu Domowiny přewjesć ...

Dalši wjeršk - a to we woprawdžitym zmysle słowa - bě přihot a wobdžělenje serbskeje delegacije kulturistikow a sokołow na XII. wšosokołskim zléće wot 1. - 6. julija 1994 w Praze.

Či, kotřiž su tam w Praze byli, su zawěsće hišće džensa jara zahorjeni wo cyłkownej atmosferje, wo dožiwjenym, a běše za nas jara wulki wjeršk, kak spěšnje je so informacija wo załoženju našeho małego towarstwa do wšěch słowjanskich krajow roznesła.



Wjeršk w džěle Sokola w léće 1994 bě wobdžělenje na XII. wšosokołskim zléće w juliju w Praze. Widžimy čtonow serbskeje delegacije zhromadnje z dr. Zdeněkom Boháčom před swjedženskim čahom po měsće na Vaclavskim náměsće

W Českej, Słowakskej, w Juhosłowjanskej, samo w Americe su zwjeseleni byli, zo je so naš Sokol znova założył. Na tutym zajězdze njejsu so jenož sokoljo wobdžělili, ale tež tři serbske kulturne skupiny - a to Slepjanski folklorny ansambl, Smjerdžečanska rejwanska skupina a "Sprjewjenje" z Budyšina. Njejsmy dožiwili jenož jedyn wjeršk, ale poprawom jedyn wjeršk po druhim. Smy wuhotowali sobotu, 2. julija, sokołski wječor, hdžez je so nimo serbskich sokołskich stawiznow tež žiwa serbska folklora předstajita, smy sej wobhladali jenički - hač do tutoho dnja - film wo Serbskim Sokole, dokelž - a to chcu hišće naspomnić - na tutych dnjach w Praze je SORABIA-FILM-STUDIO Budyšin naš cyły zajězd natočiło. Před tydzenjom je sej předsydstwo tutón film wobhladało, a móžemy rjec, zo su tam jara rjane, žiwe sceny pódla. Chcemy spytać ... cyłkowny film zestajić. Chcemy, zo tutón film jenož do archiwa njeprěidže, ale zo so rozmnoži a rozšěri.

Njedzelu, 3. julija, běše potom w Praze wulka demonstracija wšech sokołow z cyłego swěta. Njewěm, kelko tysac ludźi su tam na nohach byli, kotřiž su pak sobuskutkowali pak sej tutón čah wobhladali. Pola wšech, hač za młodych abo starych, wšojedne, kotreje narodnosće, koreho splaha, běše w mjezwoču čitać, zo je to dožiwjenje, trajace za cyłe žiwjenje. Tajka wuprudźowaca, zwjeselaca žiwjenska wola a tajka wola towaršnostneho žiwjenja, kotraž je so přez wšě delegacije, kotrež su tam přitomne byli, rozšěrjała, tajka atmosfera je cyłu Prahu zajała, a to nic jenož na tutym dnju, ale tež na wšech dalšich dnjach. Póndzelu, 4. julija, su so hišće raz naše serbske kulturne skupiny předstajili, a to we wulkim parku w Praze, ale bohužel njebě tam přewjele přihladowarjow. Delegacija sokołow je sej na tutej póndzeli wobhladała generalku na wulkim Strahovskim stadionje ... Naš zajězd do Prahi - a na tutym městnje tež hišće raz wutrobny džak - je so financował z pomocu Založby za serbski lud. Založba je nam zmóžniła, zo móžachmy tute tři kulturne čělesa sobu do Prahi wzać a zo móžachmy tam našu kulturu předstajić, zo je wona žiwa kultura, zo sliša wona - a stawizny su to dopokazali - tež do sokołskeho žiwjenja.



Předsydstwo Serbskeho Sokoła na hłownej zhromadźiznje w Hórkach. Widźimy wotlěwa Mikławša Krawca, Achima Kowarja, Michaelu Mošowu, Pětra Šoftu a Pawoła Hejdušku

W nazymje organizowaše so znova Funkec a Nukec volleyballowy turněr, turněr našeju swěrneju sponsorow. Muske a žónske mustwa Budyskeho wokrjesa su so wobdžělili a pilnje sportowali. na tutym městnje wuprajamy wšěm sponsoram, kotřiž su naše džělo podpěrowali, wutrobny džak! Su to: zapóslanc krajneho sejma Marko Šiman z Budyšina, wobchodnik Torsten Funka z Wulkeje Dubrawy, Nukec napojowe wikowanje z Budyšina, elektroinstalaciski zawod Joachim Mikławšk z Budyšina, firma Stani Ryčer z Jaseńcy, Bjeńšec twarski dwór ze Smječkec, Špitankec firma ze Zejic a SORABIA FILM STUDIO Budyšin ...

Smy w zjawnosći - hač tu w serbskej, němskej abo słowjanskej zjawnosći - jara pozitiwne akcenty sadžili, zo tu zaso eksistujemy, zaso pilnje džělamy, zo tež w serbskej zjawnosći jedne sportowe towarstwo aktiwnje džěla, zo je sport runja druhim džělom narodneho žiwjenja wažny zdónk našeho narodneho byća. A tu chcu tež hišće raz přispomnić: W nadawku Založby za serbski lud je so wudžělała koncepcija za dalše wuwice serbskeje kultury.

W tutej koncepciji je tež serbski sport jara derje zapřijaty. W nej so pozitiwnje wuzběhnje, zo je so Serbski Sokol zaso załožil, zo wón - kaž hižo naspomnjene - jara k byću a traću serbskeho narodneho wědomja přinošuje - a doporuči so w koncepciji, zo so sportowe hibanje w serbskim ludže wot Založby za serbski lud dale a bóle financuje a podpěra.

Krótko po tym, 28. awgusta, přewjedze so w Ralbicach we wobłuku župneho swjedženja sportowy džěń, hdžež smy znova sobu pomhali, tutón džěń wuhotować, organizować.

Je so přewjedł volleyballowy turněr mjez župomaj Budyšin a Kamjenc - muske a žónske wubranki su so mjez sobu wubědžowali ...

Gratulujemy

wutrobnje bratřej JURIJEJ FRENCLEJ, čestnemu starosće Serbskeho Sokoła a čestnemu předsydzje Sokoła Ralbicy/Hórki, k wuznamjenjenju z Mytom Domowiny 1994. Jurij Frencl ma wulke zastužby na polu sporta a narodneho džěla za Serbstwo.

Lětsa na přikład budže tomu 30 lět, zo wobsteja přećelske styki mjez sportowcami z Łužicy a čěskimi přećelemi ze wsy Spálené Poříčí pola Plzenja. A loni w Ralbicach bě 5. februara bratr Frencl při jednanjach wo wobdžělenju delegacije Sokoła na XII. wšosokołskim zléće w Praze.

Naš wobraz pokazuje wotprawa

Jana Wornarja, inž. Karela Horu, dr. Zděneka Boháča, Jurija Frencla, Ludwiga Dinarja a Mikławša Krawca z chorhoju Sokoła Ralbicy/Hórki po jednanjach 5.2.94 w Ralbicach.

Přejemy bratřej Frenclěj křutu strowotu a dalše mocy za skutkowanje na dobro Sokoła a našeho luda!



K płaćenju přinoškow

Předsydstwo Serbskeho Sokoła bě na swojim posedženju dnja 5. jutrownika 1994 schwalił slědowacy jednory přinoškowy porjad Sokoła:

- člon-jednotliwec płaći na lěto 12,00 hriwnow
- člon mustwa płaći na lěto 6,00 hriwnow
- šulerjo a studenća přinošk njeplaća.

Zo by so płaćenje lětneho přinoška za kóždeho wolóžilo, bě wjednistwo Sokoła namjetowało, zo so přinošk wot wosobinskeho konta wotzběhnje a na konto Sokoła při Ludowej bance (Volksbank) Budyšin přepokaza resp. zo mějićel konta swoju zwólniwosć k wotzběhnjenju Sokołej zdžěli. Tak njeby nihtó hižo hary ze zapłaćenjom přinoška měł.

Pawoł Hejduška
pokładnik Sokoła



Doporučamy

Knize wo wuznamnymaj sokołomaj

Kónc lěta 1994 wuńdžeštej

- w swójskim nakładnistwje pólskeho přećela Serbow Zbygniewa Kościowa titul "**Michał Nawka**". **Puće žiwjenja a skutkowanja. Wotrys**" a
- jako čisło 35 rjadu "**Serbska poezija**" zběrka basnjow Pawoła Krječmarja.



Michał Nawka bě wot 1923 do 1927 zwjazkowy starosta Sokoła a redigowaše wjacore lěta wokolnik Sokołske Listy. Pódlanski wobraz pokaza Michała Nawku z jednaćelom Sokoła Gustawom Janakom. Pawoł Krječmar bě tohorunja zaslužbny sokoł. W připisu k nowej zběrce basnjow pisa Beno Budar mjez druhim tole: "W lěće 1920 wobdžěli so ze serbskej delegaciju (z. J.Skalu, J.Brylom, M.Smolerjom, H.Šlecu a dr.) na 7. sokołskim zléće w Praze. Bě z člonom předsydstwa Serbskeho sokołskeho zwjazka.

Pódlanski wobraz pokazuje drjeworězbu Měrcina Nowaka-Njehorńskeho z mužom w sokołskej serbskej drasće w zběrce basnjow J. Krječmarja z lěta 1929 "Raj mysłow, sonow a lužiskich honow".



Smy pod redaktorom Mikławšom Krawcom sydom čislow Sokołskich Listow wudali, nic jenož za nas, ale za zjawnosć. Wone so předawaja w Smolerjec kniharni, pola nas w našim sydle w Serbskim domje, w Delnjeje Łužicy w "Lodce" w Choćebuzu, w Ralbicach pola Jurija Frencla, w Chrósćicach pola Jana Macki. A chcemy tež dale na tym dźělać, zo so hišće w našich serbskich gmejnach a wosadach Sokołske Listy wjac předawaja.

Nětko přińdu ke krótkemu hódnoćenju z mojeho wida. Wšo pozitiwne je so prajiło. Kritisce mam přispomnić, zo su poprawom wšě naše aktiwity hač do džensnišeho dnja hłownje jenož na jednu sportowu družinu wusměrjene byli, a to na volleyball. Smy wšitcy pječo, kotřiž smy w předsydstwje, volleyballisća, a snadź je to tohodla, što wě. Přistupili pak su tež mnozy koparjo. Za nich je so lětsa jara mało stało, to dyrbymy sebjekritisce přiznać. Tohodla wočakujemy džensa wot was měnjenje, kak měli jako předsydstwo dale na tym dźělać, zo bychmy wšě sportowe družiny, kotrež su nam přistupili, tak podpěrali, zo móžemy prajić: wšě sportowe družiny su runohódne w našim towarstwje. ... Dale njeje so nam poradziło, zo jako towarstwo na našu młodzinu a džěčinu kročimy ... A hdyž sej takle wobhladamy - a to nic jenož džensa tu -, starobna zestawa aktiwnych w Serbskim Sokole je chětro wysoka, pobrachuje młodzina, kotraž by tu aktiwnje sobuskutkowała. A štož jara wobzaruju: pobrachuje džěčina, kotraž by duch sokołskeho hibanja dale njesła. Budžemy dale na tym dźělać, smy so hižo skontaktowali z kapłanom Sćapanom nastupajo naše džěło w Sokole a džěło dekanatneje młodziny ... Ze Serbskim šulskim towarstwom chcemy so hišće skontaktować nastupajo zwonkašulske džěło ... Dalši mój kritiski dypk je, zo je so naše džěło hłownje na dwaj wokrjesaj koncentrowało: na Kamjenski a Budyski. Njejsmy nimo toho, zo Sokołske Listy w Choćebuzu předawamy, so skontaktowali ze sportowcami w Delnjeje a w srjedźnej Łužicy. To rěka, naše aktiwity běchu jenož tu na Hornju Łužicu koncentrowane, a to pak njeje zmysl załoženja był.

Wězo móhli hišće wjace pozitiwneho ale tež kritiskeho přispomnić, ale to měła naša diskusija přinjesć. Chcu jenož hišće mały wuhlad dać na naše džěłowe nadawki w lěće 1995. Njeje to jenož 13. volleybalowy turněr wo pokal Domowiny dnja 4. měrca w Budyšinje, ale jako hłowny wjeršk přichodneho lěta je 75. róčnica załoženja w



Wobraz z 12. sokołskeho turněra wo pokal Domowiny 26.2.: po zetkanju rozžohnujetej so mustwje Sokoła Budyšin a Serbskeje fachoweje šule za socialnu pedagogiku. Nalěwo sudnik Pětr Šořta

nowembrje, hdžež nochcemy jenož turněry přewjesć, ale smy sej jako předsydstwo předewzali, přewjesć sokołski tydžeń ze sportowymi turněrami, z bjesadnymi wječorkami, z filmowymi wječorkami - chcemy tež naš nowy sokołski film předstajić -, ewentualnje z jednym pućowanjom, z podiami atd. - ale wo tym měło so džensa tež hišće rěčeć.



Po zhromadnym sportowanju zetkawaja so mustva rad k bjesadže a zabawje. Tu widžimy Měrka Korjenka z dobytym pokalom w kruhu volleyballistow w jědźerni Serbskeho gymnazija w Budyšinje

A steji rozsud do domu, kotryž měl so džensa tu tohorunja diskutkować, a to přistup našeho zwjazka do nadregionalnych towarstwow, zwjazkow. Přispomnić chcu tu jenož dwě: W Praze smy ze Swětowym sokołskim zwjazkom hižo jednali wo přistupje Serbskeho Sokoła do swětowego zwjazka. Smy jara dołho w předsydstwje diskutowali, tam a sem chabłali. Najprjedy smy byli jara euforiscy, zo bychmy jako jara małke towarstwo tajkemu swětowemu zwjazkej přistupili. Džensa je naše měnjenje hižo tróšku relatiwizowane. Su wěste wuměnenja za přistup swětowemu zwjazkej: Towarstwo dyrbi měć 500 čłonow a znajmjeńša 5 jednotow. Dale mamy přinošk 100 dollarow na lěto płaćić. Nadžijeć móhli so wěsteje financelneje podpěry jako mały zwjazk a podpěry nastupajo nawjazanje kontaktow k druhim sokołskim zwjazkam. Kaž prajene, spočatnje smy byli jara euforiscy, džensa jako předsydstwo prajimy: Chcemy hišće tróšku dočakać - to je naše měnjenje. Nohcemy ničo přechwatać, tajki přistup dyrbimy sej wopravdže derje přemyslić, dokelž za nas by to najskerje rěkało, zo my w fazy našeho natwara, hdyž kóždy pjenježk trjebamy (finančna rozprawa to pokaza), zo my tu přewjele financelneje podpěry swětowego zwjazka slubić njemóžemy. A tak chcemy namjetować, zo swětowemu zwjazkej hišće njepřistupimy. Druhi přistup je přistup Domowinje. Wšě serbske towarstwa hač na Serbski Sokoł su Domowinje přistupili. Džensa měto so tež wo tym diskutować, kak so Serbski Sokoł k tomu zadžerži, hač - hač nic, što to za nas rěka Domowinje přistupić, abo hdyž nic - što to potom za nas rěka, kotre nadawki mamy w Domowinje, kak móžemy so w Domowinje dale wuwic atd. Tutej dwaj faktoraj kaž tež moja džětowa rozprawa kaž tež předewzaća za přichodne lěto - bych prosyła, zo so tu džensa wo tym diskutuje. My smy za kóždu myšličku jara džakowni, dokelž móžemy zawěšće z kóždeje myšlički něšto pozitivne za naše džěto wuwzać.

Džakuju so Wam hišće raz za dowěru, kotruž sće loni na nas sadžili, zo bychmy jako předsydstwo Serbskeho Sokoła džěłali. A myslu sej, zo je tež moja rozprawa pokazala, zo smy swoje džěto jara chutnje brali, zo wězo njejsmy wšitko docpěli, štož běchmy sej předewzali jako towarstwo, ale myslu sej, zo móžemy z džětom, kotrež smy zdokonjeli, tola spokojom być a zo pokaza wone, zo mamy za přichodne lěto hišće jara wjele zdokonjeć a zo chcemy to - tež z Wašej podpěru - tež činić.

Wutrobny džak!

Myslički z diskusije na hłownej zhromadźiznje

- Pětr Šoła: K česći 75. róčnicy Sokoła dyrbjeli přewjesć turněry w kopańcy, volleyballu a kehelowanju.
- Jan Warnar: Dyrbjeli přihotować a přewjesć centralny swjedžen serbskich šulow z kulturnymi a sportowymi wubědžowanjami. Předsydstwo dyrbi bóle zwisk k sportowym wučerjam pytać. W zjawnosći dyrbimy bóle ze symbolami za Sokoł wabić.
- Mikławš Krawc: Wšitcy zhromadnje dyrbimy so wo rozšěrjenje Sokołskich Listow starać. Je trěbne, zo sokoljo do wokolnika dopisuja.
- Jan Macka: We wobłuku swjatočnosćow w Chrósćicach njech hraje serbska wubranka w kopańcy přećiwo sylnemu mustwu ze słowjanskeho wukraja.
- Jurij Frencl: Chcu wšu prócu nałožować, zo by Sokoł Ralbicy/Hórki bórze třěšnemu zwjazkej přistupił.
- Pětr Korjenk: Čłonojo předsydstwa měli so časćišo w našich jednotach pokazać a wosebje wo zaměrach Sokoła rěčeć.
- Křesćan Korjenk: Za džěćinu a młodžinu dyrbimy wabjace sportowe wubědžowanja přewjesć, w rozdžělnych sportowych družinach wo pokal Sokoła wojować dać.
- Józef Šwon: 12 čłonow-koparjow Zeleno-bělych z Hórkow je Sokołej přistupiło.
- Jurij Nuk: Zhromadnje z druhimi towarstwami dyrbimy džětać.



● Kónc tydženja w českej stolicy:

Serbja mjez sokołami z cyłeho swěta

**Sobotu bě lužiskoserbski wječor w Salesianskim dźiwadle/
Wčera nawječor we wulkim swjedženskim óahu přibližnje 100
serbskich zastupnikow**

PRAHA. W českej stolicy pisaja so po přestawce 46 lět w tutych dnjach nowe, rjane łopjena w stawiznach sokołskeho sporta. Po 11. wšosokołskim zléće 1948 su so tam zětkałi tysacy sokołow z cyłeho swěta, zo bychy pod swojej chorhoju z wulkim pisanim programom woswjećili 12. wšosokołski zlět. Mjez nimi zasó kaž hižo na předchadźacych zlétech serbska delegacija znova založeneho Serbskeho Sokoła, kotryž je kónc tydženja na swoje wašnje wobohaćit na podawki bohaty sokołski wjeršk w Praze.

Je chwalobne, zo rozprawjachu medije dosć wobšěrnje wo aktiwitach Sokoła. Wo zajězdze na zlět do Prahi na přikład čitachmy w Serbskich Nowinach dnja 4.7. rozprawu Měrčina Štrawby a widžachmy wobrazaj Maćija Bulanka. W předženaku bě potom cyla strona wulkemu podawkej w Praze wěnowana.